



JU OŠ „PODRINJE“ MIHATOVIĆI

PODRINJSKI CVIJET

Školska 2023/24. - Broj: 2 – novembar/decembar



JU OŠ „PODRINJE“ MIHATOVIĆI

➤ *Uredništvo:*

Članovi novinarske sekcije:

1. Imamović Amina, VI razred
2. Bašić Adin, VII razred
3. Bašić Irnad, VIII razred
4. Mujkić Enis, IX razred
5. Mujagić Faik, IX razred

Urednik:

Halilović Aiša, direktor
Bašić Mediha, pedagog

Savjetnici:


1. Međedović Mirela
2. Selimović Samela
3. Mešković Sabina
4. Pilavdžić Alisa
5. Smajić Izudin

Lektor:

Šabić Kanita,
nastavnik bosanskog jezika
i književnosti

Stručna i tehnička podrška:

Pepić Kenan, nastavnik tehničkog
odgoja i informatike
Gostevčić Arnela, sekretar škole









Sadržaj:

1. Nauka je svuda oko nas.....	3
2. Međunarodni dan dječijih prava.....	4
3. Voćke i aktivnosti u voćnjaku.....	5
4. Dan državnosti Bosne i Hercegovine.....	6
5. Dan osoba sa invaliditetom.....	8
6. Svjetski dan planina.....	9
7. Međunarodni dan borbe protiv pušenja.....	10
8. Praznici = darivanje.....	11
9. Dan dječije radosti.....	12
10. Zimski raspust.....	13
11. Kako najlakše naučiti skijati.....	14
12. Zabavni kutak.....	16

Nauka je svuda oko nas

Tokom sedmice, od 13. do 20. novembra, učenici VI, VII i VIII razreda na časovima biologije, sa nastavnicom Mirelom Karabegović, obilježili su Dan naučnika i Dan nauke. Učenici su čitali kratke tekstove o poznatim naučnicima i njihovim doprinosima nauci, istraživali različite izume i naučna dostignuća i razmišljali o tome kako bi svijet izgledao da tih izuma nije bilo, te pravili panoe. Radionica je bila posvećena obilježavanju nauke i podsticanju interesovanja učenika za istraživanjem i otkrivanjem novih stvari.



Međunarodni dan dječijih prava

Učenici I, II, III i IV razreda sa njihovim učiteljicama, Samelom Selimović i Amrom Tursunović, obilježili su Međunarodni dan dječijih prava.

20.11. obilježava se Međunarodni dan dječijih prava i rođendan UN-ove Konvencije o pravima djeteta.

Deklaraciju o pravima djeteta usvojila je 1959. Generalna skupština UN-a, a trideset godina kasnije usvojena je i Konvencija o pravima djeteta.

Od 20.11.1989. godine u cijelome se svijetu obilježava - Međunarodni dan dječijih prava.


Potpisnici Konvencije o pravima djeteta teže razumijevanju, prihvaćanju i općenitoj dobrobiti sve djece svijeta. Ovim danom se svake godine organizacije koje se bave ljudskim pravima i slobodama potiču na poduzimanje konkretnijih koraka u zaštiti i unapređenju dječijih prava jer su djeca posebno osjetljiva skupina koja bezrezervno treba zaštitu i pažnju.



Međunarodni dan dječijih prava obilježili su i učenici VII i VIII razreda sa nastavnicom Sabinom Mešković, kroz radionicu, predavanje, video prezentaciju i afiše.

"Svako dijete može odrasle ljude naučiti tri stvari!

1. Biti zadovoljan bez razloga
2. Uvijek naći zanimaciju
3. Znati upotrijebiti sva sredstva da dobiju ono što žele." (Paulo Coelho)



Voćke i aktivnosti u voćnjaku

Naši vrijedni učenici III i IV razreda sa učiteljicom Amrom Tursunović pravili su zdravu poslasticu - voćnu salatu, a vjerujemo i da su zaslužili da se zaslade.

Nakon naučene lekcije iz predmeta Moja okolina, o "Čovjekovim aktivnostima u voćnjaku, uvjerali su se, jedući plodove koje daju voćke, da je vrijedno i korisno baviti se takvim poslovima.



JU OŠ „PODRINJE“ MIHATOVIĆI

*Priredba povodom 25. novembra –
Dana državnosti Bosne i Hercegovine*

Povodom Dana državnosti Bosne i Hercegovine u našoj školi je održana priredba za roditelje i goste. Učenici su pripremili brojne tačke kroz koje su u svečanom i vedrom raspoloženju iskazali ljubav i ponos prema svojoj domovini - Bosni i Hercegovini. Nakon programa, slavlje se nastavilo svečanim defileom učenika putem od škole kroz naselje, na taj način prenoseći svečarsku atmosferu i praznično raspoloženje na cijelu lokalnu zajednicu.



JU OŠ „PODRINJE“ MIHATOVIĆI





3. decembar - Dan osoba sa invaliditetom

U našoj školi je obilježen 3. decembar - Dan osoba sa invaliditetom, angažovanjem učenika IX razreda, Mujkić Enisa i Ramić Erne, koji su pripremili i pročitali referat posvećen ovoj važnoj temi, te kroz radionicu i izradu panoa učenika V razreda i Vijeća učenika.

Učenici su zajednički doprinijeli podizanju svijesti o izazovima s kojima se suočavaju osobe sa invaliditetom, pružajući informacije o njihovim potrebama, dostignućima i poteškoćama. Referat je uključivao osnovne informacije o različitim vrstama invaliditeta, naglašavajući potrebu za stvaranjem inkluzivnog okruženja kako bi se osiguralo da osobe sa invaliditetom imaju pristup svim aspektima života. Učenici su istakli značaj podrške, razumjevanja i promovisanja jednakosti u društvu.

Tokom prezentacije, naglašeno je da je važno razbijanje predrasuda i stereotipa o osobama sa invaliditetom, te ih tretirati s poštovanjem i jednakosti. Takođe su se dotakli pitanja pristupačnosti, posebno u obrazovnom okruženju, ističući kako inkluzivno obrazovanje doprinosi snažnijem i raznolikijem društvu.

Ovakve inicijative ne samo da doprinose obrazovanju učenika o važnim društvenim pitanjima, već i podstiču empatiju, razumjevanje i podršku prema osobama sa invaliditetom. Ovim činom, učenici su aktivno učestvovali u stvaranju sredine koja promovise inkluziju i poštovanje različitosti.



Svjetski dan planina - 11.12.

Sa učenicima naše škole obilježili smo SVJETSKI DAN PLANINA - 11.12.


Međunarodni dan planina je prilika za podizanje svijesti o važnosti planina za život, isticanje potencijala ili otežavajućih okolnosti za razvoj planinskih resursa, te prilika za sklapanje partnerstava koja će donijeti pozitivne promjene za planine i planinske predjele cijelog svijeta!



Međunarodni dan borbe protiv pušenja

Danas su učenici V i VI razreda učestvovali u radionici na temu: "Međunarodni dan borbe protiv pušenja".

Cilj radionice je bio da se učenicima predstave tačne informacije o karakteru ovisnosti o pušenju i opasnostima koje ta ovisnost donosi, probuditi u učenicima svijest o štetnosti duhana na zdravlje, osvještavanje odgovornosti za sopstveno zdravlje i zdrav stil života, shvatiti zašto je važno ne početi pušiti, osvijestiti ih o prednostima nekonzumiranja duhana. Učenici su shvatili da je njihovo zdravlje najvažnije i da je duhan i njegovo konzumiranje jedna od veoma štetnih ovisnosti ne samo za fizičko, nego i psihičko zdravlje.



JU OŠ „PODRINJE“ MIHATOVIĆI

Praznici = darivanje


Praznici su vrijeme kada smo posebno veseli i radujemo se druženju i susretima sa dragim osobama, ali su i vrijeme kada očekujemo da nas neko obraduje poklonom ili paketićem. Usrećiti nekoga poklonom pruža nekada više sreće i zadovoljstva onome ko poklanja, nego onome ko poklon prima, a posebno je sretan onaj ko daruje djecu. Dječiji osmijeh, sjaj u oku i male ruke koje privijaju poklon u svoje naručje, dovoljno kazuju o njihovoj radosti i najveća su nagrada za onoga ko ih je na taj način usrećio.



Dan dječije radosti

Na kraju prvog polugodišta, prije odlaska na zimski raspust, naši đaci obilježe svoj poseban dan - **Dan dječije radosti**. Učionice i školski hodnici su u prazničnom ruhu, sve se sjaji i svjetluca od brojnih pahuljica i kuglica koje su dječija mašta i kreativnost napravile i tako dočarale zimski ugođaj. Priredbom za roditelje i goste, kroz recitacije, igrokaze i pjesme, u veseloj atmosferi okončali su nastavu u ovom polugodištu. Želimo im da ugodno provedu zimski raspust i odmorni se vrate u školske klupe, spremni za nove lekcije i druženje!





5 ideja za zimski raspust

- 👉 Mini teretana (kombinujte jastuke, deke, stolicu, konopac, zdjelice i loptice i napravite mini poligon za vježbanje)
- 👉 Slikanje plastelinom (isprintajte bojanke omiljenog lika i slikajte omekšanim istanjenim plastelinom)
- 👉 Karaoke night (svi članovi porodice mogu učestvovati, uz ocjene žirija, voditelja, zakusku napravite događaj za pamćenje - biće najmanje važno kako je ko pjevao)
- 👉 Knjiga ideja, uspomena, recepata, viceva ili o temi koja vas zanima (biće to divna uspomena kojoj će se vraćati kad odraste)

Kako najlakše naučiti skijati

Skijanje je kao i vožnja biciklom, kada jednom savladate više nikada ne zaboravite. *Početak skijanja* je za svakoga u glavi težak, pa njemu pristupa kao nekoj velikoj bitci. Prvi put kada stanete na skije, bićete ukrućeni, tijelo je u grču i skeptični ste. Iako ovo zvuči zastrašujuće skijanje zaista nije strašno i nije toliko teško savladati. Prije nego što krenete učiti skijati, morate shvatiti da to nećete sigurno savladati u jednom danu. Prvi dan kod učenja skijanja zahtjeva strpljenje.

Ono što je važno je dobra priprema za skijanje, to podrazumijeva najprije iskusnog skijaša ili instruktora pored vas, kako bi što prije savladali osnovne pojmove. Pored ove činjenice jako bitno je izabrati opremu za skijanje, a ona čini skije, pravilno odabrane pancerice, štapove, skijaške naočare, skijaško odijelo, rukavice, a po mogućnosti i kacigu.

Kada se odlučite na odabir skija, trebate obratiti pažnju da se prilagode vašoj visini i težini. Nepisano pravilo kod odabira skija glasi da skije po dužini trebaju da budu između nosa i brade.

Odabrali smo odjeću, skije i prateću opremu pa sada krenimo na prve lekcije:

Za prvi put vam nisu potrebni skijaški štapovi jer ćete bez njih lakše držati ravnotežu. Prije nego što krenete da stanete na skije, dobro bi bilo da u pancericama prošetate po snijegu kako bi se navikli na njihovu veličinu. Kada ste to uradili, stajete na skije ali pazite na ravnotežu i položaj vašeg tijela.

Nikada se ne nagnjite previše naprijed i morate uvijek držati ruke ispred vas. Na samom početku učenja skijanja, najvažnije je da naučite kako da kontrolirate brzinu kada se spuštate niz brdo, a usporavanje na skijama ćete napraviti tako što ćete noge, odnosno skije staviti u položaj trokuta. To podrazumijeva da se vrhovi skija dodiruju.

Kada želite da se zaustavite na skijama, radite isto samo se morate oduprijeti jače gornjim dijelom skija, tačnije pravite još jači položaj trokuta.

Skretanje na skijama se vrši tako ako želite skrenuti u desno, okrećete zlob lijeve noge prema unutra, a desnu skiju opustite i svu težinu tijela prebacujete na lijevu nogu. Nikada ne skrećite gornjim dijelom tijela jer ćete tako izgubiti ravnotežu.

Nadamo se da smo vam pojasnili osnove i početke ovog sporta, također vam preporučujemo da nikada ne učite skijati sami i pomoću tutorijala, videa pa i ovog teksta, već to radite uz instruktore.



Ako je:

$$\begin{aligned} 9+1 &= 108 \\ 6+5 &= 111 \\ 8+3 &= 115 \\ 7+2 &= 95 \end{aligned}$$

Koliko je:

$$5+4 = ?$$



Površina

Kvadratni centimetar:

1 cm → 1 cm²


Pomoću njega možemo mjeriti površine.
Npr.

P = 2 cm ²	P < 1 cm ²
P = 3 cm ²	P < 6 cm ²
P = 10 cm ²	2 cm ² < P < 3 cm ²
P = 3 cm ²	P = 7 cm ²
P = 1 cm ²	P = 1 cm ²
	P ≈ 3 cm ²

$$\begin{aligned} 9 \cdot 1 &= 9 \rightarrow 0+9=9 \\ 9 \cdot 2 &= 18 \rightarrow 1+8=9 \\ 9 \cdot 3 &= 27 \rightarrow 2+7=9 \\ 9 \cdot 4 &= 36 \rightarrow 3+6=9 \\ 9 \cdot 5 &= 45 \rightarrow 4+5=9 \\ 9 \cdot 6 &= 54 \rightarrow 5+4=9 \\ 9 \cdot 7 &= 63 \rightarrow 6+3=9 \\ 9 \cdot 8 &= 72 \rightarrow 7+2=9 \\ 9 \cdot 9 &= 81 \rightarrow 8+1=9 \\ 9 \cdot 10 &= 90 \rightarrow 9+0=9 \\ 1+2+3+4+5+6+7+8 &= 36 \rightarrow 3+6=9 \end{aligned}$$

Šta je veće: zbir ili proizvod najmanjeg jednocifrenog i najmanjeg dvocifrenog broja?



Napiši! Provjeri!




Zabavni kutak



Naučimo crtati mačku!





traženi pojam je.....

__ Đ __ A __



ORTAT -----





OBOMBNI -----



NILOAB -----



KLONOP -----





Dan državnosti BOSNE I HERCEGOVINE

Ministarstvo obrazovanja i nauke TK • Univerzitet u Tuzli • Osnovne i srednje škole TK